



Vita de ploania y de paisc

- **Festa d'Advent/1:** le grup dai Ministronc, le grup dla Schira Jonila y i mituns y les mitans co é jüs eniann a confermé é enviés **en domegna ai 10 de dezember** do le Guldenomt do söa intenziun te Ciasa dles Uniuns a na picia festa d'Advent.
- **Festa d'Advent/2:** le KVV, l'Uniun dai Ei y dles Eres envieia der bel a na picia festa d'Advent, **en domegna ai 17 de dezember**, do le Guldenomt te Ciasa dles Uniuns.



enformaziuns y termins

KVV Senioreclub: en dedemesaledema ai 13 de dezember ales 3 domisdé, él te salf dles manifestaziuns d'Al Plan le Rorate dal Senioreclub, co gnará abelí dal Cor dai Seniore. Dedô vegnel tigní na picia festa d'Advent.

Grup d'oraziun: en vendres ai 15 de dezember do Rorate s'encunta te salf de calogna d'Al Plan le grup d'oraziun con signor Sepl Granruaz. Düc canc é benodüs y bel enviés a cösta sera de oraziun y reflesciun.

Oraziun da Taizé: la proscima oraziun de Taizé ven tignida en vendres ai 15 de dezember ales 20:00 tla capela a Oies. Al se trata de en n'ora olá ch'al ven perié, medité y cianté en forma de Taizé. Düc é der bel enviés a tó pert.

Festa da Nadé: le KVV raiun da Bornech envieia vedui, vedoes y persones sores a na festa da Nadé, en sabeda ai 16 de dezember ales 14:00 tla mensa dal KVV da Bornech. Prenotaziuns cina ai 13 de dezember pa Maria de Ierghel, ☎ 0474 501322.

Conzert da Nadé: la Scora de Musiga Val Badia ten n "Conzert da Nadé" en lönesc ai 18 de dezember ales 18:00 te dljia d'Al Plan. Al cianta y sona les scolares y i scolars dla Scora de Musiga. Düc é der bel enviés!

Sorvisc ai Jogn: le Consei de Formaziun dal Comun da Badia adöm al Sorvisc ai Jogn Val Badia, met a jí dui dis de formaziun sora ci che al ô ester por meter sö na band, adöm al technich Benni Valentin. Le workshop ven tigní tal Zenter dla Joneza y dla Cultura SaJ.un a La Ila, vendres/sabeda, ai 29/30 de dezember. La partezipaziun é debann. Informaziuns y prenotaziun a valentin@jogn.org cina en vendres, ai 23 de dezember. Le workshop é davert a düc i interessés ala musiga, a chi che fej o oress fá pert d'en grup y a musizisc singui! I partezipanc mess belo sei da soné en strumont!

Le Saltá: do che la plata de Comun "Le Saltá" é stada fora en ann, gnarára con le 2018 endô fata regularmonter. I orun envié i geniturs co á albü en picio möt o möta dertan le 2017 da mené adalerch na foto de so picio ala mail palfrader@rolmail.net, anter i 15 de iener 2018. I recordun che i geniturs ne mess nia meter a desposiziun la foto, mo ai pó, tan ennant che ai á ienn.

Döt le bun a: Eduard Maneschg 10.12.1937
y a düc chi co á santennom y complesc i agn cöst'edema

Impressum: Ploania d'La Pli; redaziun Franz Rigo y Edith Willeit
Comunicaziuns cina al dedemesaledema sera a Franz Rigo: ☎ 0474 500978 o ✉ ploania@gmx.net
Download plata: www.unitepastoral.org



Plata dla Ploania

La Pli de Mareo

Santa Maria dal Bun Consei

Ploian: Signor Heinrich Perathoner
E-mail: ploania@gmx.net

Calogna Al Plan: 0474 501006
Radio de Ploania: 93,00 MhZ

UNITÉ PASTORALA



VAL BADIA
www.unitepastoral.org

Ann B

10.12.2017 - Secunda domegna d'Advent

n. 2

Arjignédi ca le tru al Signur, avaliédi les strades! Y dōta la jont odará la salveza co ven da Dio.

☞ **Is 40, 1–5.9–11 | 2 Pire 3, 8–14 | Mc 1, 1–8**

Dal Vangelo do San Merch:

¹Scomenciamont dal vangelo de Gejú Crist, dal Fi de Dio: ²Al á motü man, desch'al sta scrit pro le profet Isaia: I te meni mio anunziadú danfora; al dess te daurí le tru. ³Na usc scraia tal desert: Arjignédi al Signur le tru! Avaliédi les strades! ⁴Ensciö ea loé sö Jan Batista tal desert y pordicâ la converjiun y le bato por le pordonn dai picés. ⁵Dōta la ludea y düc i abitanc de Ierúsalem jea fora da d'el; ai confessâ sü picés y se lasciâ bacé da d'el tal lórdann. ⁶Jan â endos n quant de polan de camel y n ciol de coran encer sü üf, y al viêa de saioc y de mi salvaria. ⁷Al encündâ: Do mé nen vegnel önn co é plü gaiert co iu; iu ne sun nia degn da mo cüfé por ti desciolé i cialzá. ⁸Iu ves á bacé con ega, mo el ves baciará con Spirit Sant.

Oraziun dal de

Periun! Oh Dio misericordius, ma töa sapionza nes mostra le der tru: no lascé che les bries y i fistidi de cösta tera nes tegnes endô da ti jí adancuntra a to Fi. Condüjresse con töa parora y con töa grazia ala comuniun con Gejú Crist, nosc Signur, co vir y regneia con te t'unité dal Spirit Sant por düc i secui dai secui. – Amen.

(Lezionar B)



☞ **Letöres dla Terza domegna d'Advent "Gaudete":**

Is 61, 1–2a.10–11 | 1 Tess 5, 16–24 | Jan 1, 6–8.19–28

Edema liturgica dai 10.12. ai 17.12.2017

DOM 10.	Secunda domegna d'Advent <i>Maria da Loreto, Angelina</i>
08:30	Rorate por i ministronc, la schira jonila y i crejimés <i>♫ orghi da man oferta por i debojügn d'la ploania</i>
10:00	<i>Rorate a Al Plan</i>
Lön 11.	<i>Damasus I., Tassilo III., David, Artur</i>
→	de d'oraziun te familia
19:30	<i>Rorate a Al Plan</i>
Ded 12.	<i>beat Hartmann da Porsenú, memoria de Santa Maria da Guadalupe</i>
19:30	Rorate por i defunc dal ultimo ann <i>♫ orgo y vidora</i>
Dem 13.	<i>Lucia (Lizia), Ottilia</i>
→	de d'oraziun te familia
19:30	<i>Rorate a Al Plan</i>
Jöb 14.	<i>Jan d'la Crusc, Franzisca</i>
19:30	Rorate por le KVV <i>♫ grup de tlarinec</i>
Ven 15.	<i>Cristiana, Nina, Maria Cruzifixa</i>
→	de d'oraziun te familia
19:30	<i>Rorate a Al Plan</i>
Sab 16.	<i>Adelheid, Dietrich, Albina</i>
18:00	<i>Rorate a Al Plan</i>
19:30	Rorate por i Scizeri <i>♫ A cater usc</i>
DOM 17.	Terza domegna d'Advent "Gaudete" <i>Lazaro da Betania</i>
08:30	Rorate por l'Uniun d'les Eres <i>♫ quartet de ei</i> → <i>oferta por d'Advent por nosta diozeja</i>
→ 19:30	funziun penitenziala d'Advent
10:00	<i>Rorate a Al Plan</i>
<i>ampola:</i>	por la fam. Pedevilla, Soröa
<i>ministronc:</i>	▶ dedolönesc y domegna: Sabine Trebo y Elias Ellecosta ▶ jöbia, sabeda y domegna: Daniele Ellemunter y Thomas Ellecosta
<i>i recordun:</i>	Sr. Augusta Emma Frena, Zams + 14.12.2011



Jan le "apripista" de Gejú

I ponsi do

En gran avenimont ven a müdé la storia: Gejú met man söa misciun. Eco porchel le debojügn de n "apripista" co ti al lascia alessei a düc y co envieia da le tó sö y a se convertí.

Le Signur nes mena tan de segni por nes sbürle a gní de miús porsones: l'ejempl dai atri, i conseis dai geniturs, la poscibilité da ascuté söa parora, val' avenimont d'la vita, ... Ai é, encö, por nos la usc de Jan Batista.

I preii ensciö

Valiade se vegnel enmont chi i n'anse nia debojügn de converjiun, deache i s'araturun belo prosc assá y i ne capiun nia ci ch'i messasson fá miú. Mo tö s'ôs atramonter, Signur. Plü da n bun cör, plü da fá saorí y plü sonziers, plü desponibli a dé ca tomp y energies por te y por nüsc fredesc.

Te ne s'envieies nia ma a cösta converjiun, mo dandadöt nes daste la forza y les poscibilités da fá atramonter. T'es massa gran, Gejú! Iolan de dötes cöstes scincundes de to amur.

Walter Cazzaniga, Parola amica – Il Vangelo della domenica per ragazzi

Advent, sei da aspeté

Nosta patria é le Ci. Dal Ci aspetunse ince Gejú Crist, le Signur, desco Salvatur. A me ne mo sal nia cis bel da aspeté. Der eniert aspeti ala ferata te staziun. Da comunicaziun a comunicaziun ven le tomp da aspeté entres plü lunch: empröma él ma cin' minuc, spo belo chinesc y ala fin vint minuc de entardiada. M'an ji n'é por nia, le tomp é empó massa cört. I oress fá val, mo i pó ma sté enlò y aspeté. D'Advent á l'aspeté na gran emportanza. Mo le significat n'é nia chel da fá che le tomp fina Nadé passi le plü debota ch'ara va. La Sacra Scritöra baia da aspeté la nasciüda de Gejú Crist. Aspeté o ince dí chirí. Chel co aspetata y chir Gejú Crist é acort. Sc'i aspeti en compagn él por me val' d'ater co aspeté ala ferata. I romeni sö y arjigni ca checs. Spo m'imaginei belo ci ch'i fajun deboriada y i ponsi a ci ch'i án belo passé adöm. Enschiö ven la ligreza entres plü grana. Te cöstes edemes podunse aspeté Crist desco en bun compagn. Y enschiö ven l'aspeté sen d'Advent val' de particular.



GEBETSMEINUNG
DES PAPSTES FÜR

Dezember

Wir beten um

Die Weisheit der Älteren –

Dass die älteren Menschen, von Familien und christlichen Gemeinschaften aufrechterhalten, ihre Weisheit und Erfahrung um die Verbreitung des Glaubens und die Bildung der neuen Generationen einbringen können.